

Маркас 2 бөлг.

1. Цөөкн өдр давсн хөөн Иисус хэрү Капернаумур ирсн зэңг эмтн дунд тарж.
2. Тегэд дегд дала эмтн цуглрад, тер герин үүднэ өөр орм уга билэ. Иисус эднд Бурхна Теңгрин орн-нутгин туск Байрта зэңг келж.
3. Эн цагла Терүнүр дөрвн күн орнасн босж чаддго, тэкрсн гемтэ кү авч ирж.
4. Тедн эмтн дегд дала болад Иисусур орж чадсмн уга. Тегэд тедн Иисус бэсн герин ораһнь цуцлад, ораднь нүк малтад тер босж чаддго, тэкрсн гемтэ күүг орта-дертәһнь деерэс Иисусин өмн буулһж.
5. Иисус теднэ иткл үзэд босж чаддго, тэкрсн гемтэ күүнд келж: «Көвүн! Чини килнц тэвгджәнэ.»
6. Тенд бээсн дегтр бичдг улс дотран ухалж:
7. «Юн болжахмб? Бурхнас даву кен күүнэ килнц тэвж чадхий? Юнгад Бурхиг муурлжахмб?»
8. Иисус эврәннь Эрүн Сәкүсәрн тедн ю соңсжахинь медэд, теднэс сурв: «Юнгад тадн зүркндән тиим уха ухалжахмбт?»
9. Юн амр болхмб? Эн тэкрсн гемтэ күүнд иигж келхлә амр болхмб: «Чини килнц тэвгджәнэ! гиснь эс гиж: «Бос, ор-деерән авад йов! гиснь амр болжахмб?»»
10. Зуг һазр деер Би, Күмни Көвүн, килнц тэвх зөвтэв болн йостав гиж таднд медүлхин төлэ келжәнэв.
11. Иисус тэкрсн гемтэ күүнүр хэләһэд келв: «Бос, ор-дерән авад герүрн хәр.»
12. Тер күн дарунь цуг тенд бээсн эмтнэ өмн босад, ор-дерән авад йовж одв. Энүг үзсн цугтан улс ик гидгәр алң болад, Бурхиг магтад бээцхэв. Эдн келлә: «Мадн иим ик өвәрцтэ юм төрүц үзэд уга биләвидн.»
13. Иисус дәкн теңгс тал йовв. Цуг эмтн Терүн тал ирв, Иисус тедниг сурһв.
14. Иисус теңгсин көвәһәр йовж йовад, Алфеин көвү Левияг үзв, эн алв

цуглуулдг ормд суусмн. Иисус энүнд келв: «Намаг дахад йов.» Левий босад, Терүнэ ардас дахв.

15. Иисус Левиян герт хот ууһад бээсн кемлэ Терүнлэ хамдан өөрнь кесг килнцтэ улс болн алв цуглуулдг Терүг дахсн улс билэ.

16. Иисусиг килнцтэ эмтнлэ болн алв цуглуулдг улсла хот иджэснь фарисеймуд, дегтр бичдг улс үзэд, Терүнэ сурһульчнраснь сурцхаж: «Юңгад Иисус килнцтэ болн алв цуглуулдг улсла хот уужахмб?»

17. Теднэ келснь соңссн Иисус теднд келв: «Би килнцтэ улсиг килнцән хайтн гиж дудхар ирлэв, килнц уга, чик седклтэ улсиг дуудхар ирсн угав. Гемтэ улст эмч кергтэ, эрүл-менд улст эмч кергтэ биш.»

18. Тер цагла Иоанна болн фарисеймудын сурһульчнр Иисусур ирэд сурцхана: «Юңгад Иоанна болн фарисеймудын сурһульчнр хот уллго, Бурхнд өдрмүд нерэднэ, Тана сурһульчнр хотан ууһад Буурхндан өдрмүд нерэдхш?»

19. Иисус эднд хэрү өгв: «Хүрм болжасн цагла күргнэ үүрмүд хот уулго бээхий? Күргн өөрнь бээтл үүрмүднь хот уулго бээж чадшго.

20. Болв күргиг салһад авад йовх өдрмүд ирх. Тер цагла тедн хот уулго, Бурхндан өдрмүдән нерэдэд зальврх.

21. Хуучн хувцнд шин эдэс күн халас тэвдмн биш, юңгад гихлэ шин эдэс тэвсн халасн тасрад, шуурха улм ик болх.

22. Шинэс кесн чаһр хуучн арсн тулмд кедм биш, юңгад гихлэ шин чаһр хуучн туулмиг шуулад һарх - чаһрхн асхрх болн туулмчн үрх. Тегэд шин чаһр шин тулмст кех кергтэ.»

23. Бурхна Суббот өдрлэ Иисус буудэ тэрсн һазрар йовж йовла. Терүнэ сурһульчнр хаалһдан геснь өлсэд, буудән толһас таслад идж.

24. Фарисеймуд Иисуст келв : «Чини сурһульчнр Бурхна Суббот өдрлэ кедго юм кежәнэ.»

25. Иисус теднд хэрү өгв: «Давидин тускар тадн төрүц умшсн угавт? Давид

болн терүнлэ бээсн улс хот хээһэд геснь өлсн цагт ю кеснь?

26. Давид Бурхна герт орад Бурхна эрүн Авиафарин өөр бэрцг тэвдг ширэхэс өдмг идсмн. Тер өдмгиг эрүн улс идх зөвтэ бээсмн. Зуг Давид эврэн идэд болн өөрэн бээсн эмтнд бас өглэ.»

27. Иисус эднд келв: «Бурхна Суббот өдр күүнэ төлэ, зуг күн Бурхна Субботын өдрин төлэ биш.

28. Тегэд Күмни Көвүн – Бурхна Суббот өдрин Деед Эзн.»